


CANCELLE\*  
MARTIS B\*\*  
1718\*




IX. B. 6. 192.  
57.


~~De. 5. 192.~~

~~XXVIII. 9. a~~









- I. Boetius de iure in humanis.
- II. Thomasio de iure consuetudinis et observantiae.
- III. Cocceij de eo, quod iustum est in debitis s. de genuina praxi iuris.
- IV. Kroy. de iure summo in iura summa.
- V. Kestner de iuris prudentia a novissima in paucula capita redigenda.
- VI. Bömer de interpretatione faciendae contra eum, qui laus loquens.
- VII. Boetius de obligatione forensi iuris divini.
- VIII. Lange de eo, quod observandum est circa interpretationem legis.
- IX. Joh. S. Fryk. de usu inutilium in iure.
- X. Kestner de iure humaniore Codicis.
- XI. Bömer de Observantia Ecclesiastica.
- XII. Lechenberg Nomina legum iustarum ab iniustis discernenda.
- XIII. Ludovici de iure consulto sive Lege loquente.
- XIV. Bömer de scripturis non legitibus non in legitibus scriptis.
- XV. Ludovici iuris Romani et Germanici differentias.
- XVI. G. de emendanda Germanica iuris prudentia.
- XVII. G. iuris Romani et Germanici differentiarum occasione interpretum.
- XVIII. Leiser de allegationibus iurconsultorum.
- XIX. Schroeter de Principiis rescriptorum in usu moderno.
- XX. Gualter de officio J. P. Veri.
- XXI. Engelbrecht de iuris prudentia vasto amplitudine et nomine J. P. Veri.
- XXII. Wildvogel de Casibus non dabilibus.
- XXIII. Schrag de Constitutionibus Principum.
- XXIV. Richner de dolo in fraudem legis.
- XXV. Lucius de iure non scripto.
- XXVI. Struyk. de falsitate precum Principum oblatarum.
- XXVII. Cocceij de eo quod sit ipse ius.
- XXVIII. Cantinack. specimen iuris prudentiae oblatum in cap. de pac. h. et iuris dictione.

xxxix. Monachi monachumque scripto contentio.  
xxx. Reiter de iusticia et distributione quam Comitatibus  
In partibus omnibus.  
xxxvi. Steyer de iura formulario Romanorum s. de Legirato  
omnibus.

DISPUTATIO JURIDICA  
DE  
JURE NON  
SCRIPTO 26

QUAM  
PERMISSU ET DECRETO  
*MAGNIFICI ET AMPLISSIMI*  
JCTORUM ORDINIS  
PRO CONSEQUENDIS SUMMIS  
IN UTROQUE JURE HONORIBUS  
*PUBLICO AC SOLENNI MAGNIFICI*  
*AC AMPLISSIMI*

SENATUS ACADEMICI  
EXAMINI SUBMITTIT  
SAMUEL LUCIUS  
NASSOVICUS

AD DIEM *MAY* M DCC.

---

*GISSÆ CATTORVM,*  
EXCUD. JOH. REINHARDUS VULPIUS, VNIV. TYP.

DISPUTATIO JURIDICA

DE

JURE NON  
SCRIPTO

QUAM

PERMISSU ET DECRETO

ACADEMIAE ET AMPLISSIMI

CTORUM ORDINIS

PRO CONSULENDIS SUMMIS

IN URROGIAE HONORABILIS

PUBLICO AC SOLENNI ACADEMICA

AC AMPLISSIMI

SENATUS ACADEMICI

EXAMINE SUBMITTE

SAMUEL LUCIUS

AD DIEM 25 M. DEC.

DISSE. CAPTORVM.

Excudit Joh. Reinhardus Vulpes, Univ. Typ.





I. N. 7.

PRÆFATIO

**T** Antopore Epitome illa Imperato-  
 ris Justiniani, in quam diffusa  
 olim juris volumina redegerat,  
 crevit, ut non solum maximâ le-  
 gum mole, quarum tamen mul-  
 ta aut usu nunquam recepta aut dudum jam ab-  
 rogata, iterum laboremus; Sed præterea tam pro-  
 digiosus eorum, qui illas interpretatione suâ juva-  
 re sategerunt, sit numerus, ut optimū etiam patri-  
 monium in librorum Juris suppellectilem eroges,  
 nec tamen ad famosiores saltem Scriptores com-  
 parandos id sufficiat: Imò vix sententia juris est,  
 de qua non integri commentarii extent, quos sine  
 magno labore agrè ad justæ tantum methodi re-  
 gulas,

A 2

gulas,

gulas, quod sepius adhuc desideratur, componere  
 possis. Prodeunt equidem quotidie in lucem  
 novi libelli, ast plerumq<sub>3</sub> crambe recocta sunt,  
 nihilq<sub>3</sub> legentes in iis deprehendunt novi, nisi for-  
 tē mutatum ordinem nomenq<sub>3</sub> authoris: Non  
 defraudabo illos laude suā, qui indefessa opera stu-  
 dium juris scriptis suis promovent: Esse enim et-  
 iam adhuc aliqua, atque indies nova emergere,  
 quæ ad juris amussim revocare necesse sit, non ne-  
 garim; Sed eum id sine magno temporis dispen-  
 dio vix fieri queat, confido me propter concate-  
 natos officii labores facile veniam mereri, quod  
 rarum ejusmodi Thema pro Disputatione In-  
 augurali elimare, aut hoc quod mihi  
 sumpsi, limatius tradere  
 non tentarim.

PRO-



## PROLEGOMENA.

**Q**UUM homines natura ad societatem ferantur, illis etiam in creatione dictamen aliquod rationis inditum erat, quo non solum qualem & quantam gratiam se Creatori suo debere, sed etiam regulas ad conservandam societatem necessarias uberrimè cognoscebant; Postquam autem Protoplasti nostri per inobedientiam suam instinctum illum naturæ, quo ad colendum Deum ferebantur, amisissent, & tantæ tenebræ intellectui eorum subfusæ essent, ut eam amplius non noscerent, sed tenues reliquiæ tantum & generalia quædam principia con-

A 3

natæ

natæ hujus scientiæ, quæ jam jus naturale con-  
 natum vocamus, remanerent, sanctissimam  
 suam voluntatem eis largiùs revelavit, sicque  
 jus divinum constituit, cujus pars omnes in-  
 differenter homines obligat, eo quod (1.) cum  
 jure naturæ connato conveniat, *vid. Epist. ad*  
*Rom. cap. 2. v. 14. & 15.* (2.) quod idem in  
 Novo Testamento tanquam præceptum re-  
 petitum, (3.) quod & causa ejus universalis  
 sit & (4.) quod Prophetæ & Apostoli idem ad  
 homines etiam gentiles applicarint, Reinking.  
*de Reg. Sec. & Eccl. L. 2. Class. 2. c. 2. num. 1.* &  
 hæc dicitur *Jus divinum morale*. Deinde & de  
 judiciis quædam disponit Deus, quæ partim  
 Populum Judaicum tantùm obligant, partim  
 ob rationem moralem omnibus hominibus  
 communia sunt. *Vid. Grot. de I. B. & P.*  
*L. 1. c. 1. numer. 15.* & hæc pars appellatur.  
*Jus divinum forense*. Tandem & ceremo-  
 nias quasdam circa cultum suum ordinavit  
 Deus, quæ tamen ad Judæos tantùm spectant,  
 & hæc pars efficiebat *Jus divinum ceremoniale*.

Porro



Porro cùm homines ita multiplicati essent, ut in plures societates sese diviserint, communis ratio, necessitas videlicet & utilitas, quædam ab omnibus gentibus inviolabiliter servanda suavit, quæ *Ius Gentium* dicimus; Pacto tamen unquam expresso hanc obligationem mutuam constitutam esse affirmare non audeo.

Cum autem & proprium singularum societatum commodum leges quasdam requireret, singuli etiam tales condiderunt, quæ *juris civilis* appellatione nobis veniunt, quarum dum aliæ principaliter utilitatem Reipublicæ, aliæ autem privatorum spectent, illas *Ius Publicum*, has autem *Privatum* vocare visum est. Hoc jus civile ulterius in *scriptum* & *non-scriptum* vulgò dispescitur, quod posterius divisionis membrum hâc Disputatione breviter persequi jam animus est.

THESIS I,

THESIS I.

TAM varia & multiplicia sunt hominum negotia, ut etiam prudentissimus Legislator omnes circumstantias, quæ circa ea suboriri possunt, prævidere, & legibus suis definire nequeat. Imò ita sæpe mutantur tempora & ingenia mortalium, ut quod quondam utile & proficuum erat, jam perniciosum sit, hinc evenit ut quandoque sine expresso Legislatoris consensu, nisi quotidie novis condendis Legibus occupari velit, quædam statuantur, quibus si ratione nixa, meritò legis vigor manere debeat, ut non tantùm ordo in Republica servetur, sed etiam execrandæ & frequentes lites ex ea eliminentur. Illa jam, *quæ sic sine expresso imperantis consensu in legum vim invalescunt*, jus non scriptum vocamus L. 32. §. 1. ff. de LL. scriptum autem, *quod expressa Legislatoris voluntate rogatum* §. 3. de I. N. G. & C.

II.

Est igitur jus non scriptum *regula actionum*

*num moralium ex tacito Legislatoris consensu  
& ratione obligans.* Jus Scriptum ea de causa  
interpretes juris Romani leges, quas Legis-  
latores expressa voluntate constituerunt, di-  
stinctionis saltem gratia vocarunt, quod hæ  
plerumque in scripturam redigantur, nostrum  
autem jus etiam sine ea sese animis hominum  
insinuet, hinc non ob id jus non scriptum esse  
desinit, quando literis consignatur. Sic in Im-  
perio jus feudale, non obstante quod typis  
evulgatum sit, juris non scripti partem facit.  
Struv. *L. 1. Synt. I. F. cap. 1. aph. 7.* de quo pau-  
lo infra dicemus.

III.

Juris non scripti summa capita *consuetu-  
dinem & aequitatem* esse censeo.

IV.

Non autem res nobis jam est *de consuetu-  
dine tali*, de qua loquitur § 15. *f. de R. D.* neque  
*de prescriptione*, quam vulgus sæpe cum con-  
suetudine confundit, Brunn. *ad L. leges quo-  
que C. que sit longa consuetudo.*, nec *de privile-  
giis,*

B

giis,

*legiis*, quæ etiam quandoque consuetudinis nomine insigniuntur. Matth. c. 7. v. 15. neque *de statutis*, quæ Status Imperii vi jurisdictionis territorialis in suis terris condunt, hæc enim, utut sæpissime juris consuetudinarii nomine veniant, ad jus scriptum tamen spectant, multò minus *de Statutis Collegiorum Opificum*, quæ si imperantis autoritate destituantur, ad pacta referre malo; sed consuetudo, de qua nos agimus, est *jus tacente*, propter *rationem quæ subest*, *Legislatore*, *publicâ* & *non interruptâ actuum frequentiâ* & *diuturnitate temporis introductum*. Germanice vocatur *Gewohnheit* / *Lands* oder *Stadt* *Brauch*.

V.

Requiritur ergo primò ad consuetudinem *tacitus Legislatoris consensus*, *L. de quibus ff. de LL.* qui per conjecturas elici potest, quæ semel introducta, etiamsi postea expressè à Legislatore approbetur, consuetudo tamen manet, neque ideo ad jus scriptum pertinet. *art. 8. §. 4. Instr. Pac. Cas. Suec.* quemadmodum

dum Carolus V. nec non postea Albertus & Isabella mandarunt, omnes totius Belgii consuetudines scripto consignatas ad suprema consilia deferri examinandas & approbandas, teste Zypæo *in notitia juris Belgii ad tit. de LL.* nisi illam expresse tanquam legem valituram jusserit. Sic cum Jus Canonicum seculo decimo tertio à Friederico II. cum consensu Statuum Imperii receptum sit, uti testatur Goldast. *Tomo 2. der Reichs-Satzungen c. 15.* Lehmann *in Chron. Spir. L. s. c. 108.* & Rhetius *Diss. jurid. de authorit. juris canonici sect. 1. p. 37.* vid. Capitul. *Ferd. III. art. 38.* & Leopold. *art. 36.* male ad jus non-scriptum hæcenus plerumque retulerunt. Ne autem alicui dubium moveat *L. 32. §. 1. ff. de LL. quasi & populi consensus tacitus ad inducendam consuetudinem sit necessarius; sciendum, legem istam respicere ad Statum Reipublicæ Romanæ, in quo populus adhuc aliquam Legislatorem potestatem habebat.*

VI.

*Secundum consuetudinis requisitum est*

B 2

*publicæ*

*publica & non interrupta actuum frequentia L. 1. C. qua sit long. consuet. arg. c. f. X. de consuet. nisi enim publici sint actus & saepius reiterati, non praesumi potest, ipsos ad Legislatoris notitiam pervenisse, ipsumque iis consensum suum praebuisse. Numerus tamen actuum, qui ad consuetudinem sufficiat, iudicis arbitrio merito relinquatur. arg. L. 1. §. 2. de iur. delib. Rein-king. de Reg. Sec. & Eccles. L. 2. Class. 2. cap. 9. n. 18. Non interrupti praeterea sint actus, alias enim non constare potest, quos Legislator tacite approbet; & si modo ita, modo aliter de casu quodam statutum fuerit, ad jus commune recurrendum, hoc autem deficiente, ultimus actus regulæ loco erit, si tamen hic ratione nitatur. Stryck. Vol. 1. Dissert. Iurid. Dissert. 23. cap. 6. n. 25. Actus requiri diximus, iidemque non tantum ad Con-sed & desue-tudinem inducendam sunt necessarii, cum jura semel recepta in viridi observantia esse praesumendum, in quo saepissime lapsus Groene-weg. in tractatu de abrog. LL. Stryck. in spe-*

*Specim. usus modern. Dig. in discurs. pre-*  
*lim. §. 34.* VII.

Exinde fluit tritum istud, consuetudinem esse facti, seu induci per actus, & alleganti eam incumbere probationem talium: *L. 4. de custod. reorum* de quo mox *th. 10.* plura. Actus hos Blum. *Process. Cam. tit. 2. §. 23.* esse, quod vulgo observantiam vocamus, dicit, ex qua consuetudo fiat. Sed *An judiciales sint actus qui consuetudinem inducere debent?* Huic quaestioni causam dedit *L. 34. ff. de LL.* verior nobis videtur opinio negans, quam adstruit Zæf. *ad ff. tit. de LL.*

VIII.

*Tertium* quod Essentiam consuetudinis constituit, *diuturnitas temporis* est, §. 9. *l. de l. N. G. & C. l. 32 §. 1. de LL.* neque illud certo annorum numero definiri potest, sed arbitrio iudicis quoque relinqui debet. Reinking *supra cit. loc. Grot. de F. B. & P. L. 2. c. 6. num. 5.* Menoch. *l. 2. arbitr. jud. quest. cas. 83. num. 6.* Videri tamen posset, certum tempus exigi,

B 3

quoniam

quoniam *cap. f. X. qua sit longa consuetudo*, dicitur, consuetudinem legitimè debere esse præscriptam, sed cum consuetudinis initium plerumque sit ignotum, ut præscriptionum termini ei non quadrent, abusum esse Pontificem voce *præscripta* verisimile est. Hahn, *ad Wesenbec. h. t. num. 9. ad verba*, consuetudo duplex *in fin.* In Saxonia tamen certum tempus 30. annorum, 6. septimanarum & trium dierum, nempe consuetudini introducendæ est præfinitum

IX.

*Quarto* ad consuetudinem requiritur, ut *ratione* nitatur, daß es eine ehrbare ehrliche Gewonheit sene. *O. C. P. 1. Tit. 13.* Est autem consuetudo rationabilis, quæ non nutrit peccatum, ne tendit contra jus Naturæ præceptivum aut divinum, Joh. Azor. *l. 5. Instit. moral. cap. 17. p. 1.* & quæ bono publico non refragatur, sed privatorum utilitati providet, Menoch: *l. 2. arbitr. jud. quest. cas. 12. num. 7.* meritò igitur inter irrationabiles referuntur illæ

illæ, quæ in *Ord. Crim. art. 218.* enumerantur, & plures, quas de diversis Europæ gentibus cum rationabilibus miscuit Sprengerus in *Perspicillo Orbis Christiani p. m. 83.* Insigne irrationabilis consuetudinis exemplum refert Anonymus *Tome 3. du voyage historique d'Europe*, ubi in capite de Sardinia dicit, moris ibidem fuisse, à liberis parentes senectute confectos, ne ætatis infirmitate, cum repuerascant senes, contra Regiminis aut familiæ utilitatem aliquid committant, baculis enecari; quo nihil magis juri naturali pariter & humano repugnare poterat. Contra ratione summâ fulta est consuetudo, mercatorum libris semiplenam fidem attribuens, si nempe rite conscripti. *Carpz. P. 1. const. 17. def. 35. num. 3. 4. & 5.* Respublica enim sine mercatura, & mercatura sine exuberantissima fide vix consistet.

X.

Est autem consuetudo vel *generalis* vel *specialis*; *Generalem* dicimus, *quæ in toto regno*

gno vel provincia recepta; particularem autem, que in uno tantum loco viget, utraque cum facti sit, est probanda, supra th. 7. Cum tamen generalis plerumque notoria sit, ob id allegans eam ab onere probandi liberatur, L. 11. §. 12. ff. de Action. De modo probandi variæ atque diversissimæ sunt Doctorum sententiæ; Ego censeo eodem modo iudici de consuetudine fidem fieri debere, quo de aliis factis dubiis L. 12. ff. de LL. Johan. Faber ad §. 9. l. de act. arg. l. ult. in prin. C. de LL. Nec unus testis plenam fidem faciet, etiamsi prudentissimus juris Doctor sit, nam & hos facta fallere possunt, arg. l. 2. de jur. & fact. ignor.

## XI.

*Ius feudale Longobardicum* per consuetudinem generalem in toto Imperio receptum est. Arth. Duck, de usu & auth. jur. civ. Rom. hinc probatione non indiget. Rosenthal, de feudis c. 1. concl. 8. in fin. cui tamen nunquam per Imperatorem & Status Imperii vim legis expresse esse inditam, bene contra Goldastum asserit

asserit Struv, *Synt. I. F. cap. 1. aph. 7. num. 6.*  
 ubi omnia quæ hic dici poterant, reperies.

XII.

Dividunt porro Doctores consuetudinem in *Judicialem & Extrajudicialem*, ut illa sit, quæ determinat ordinem & modum procedendi in judicio observandum. Stryck. *supra alleg. vol. 1. disp. 23. cap. 1. num. 43.* & alii ibidem nominati. Hæc autem, quæ in negotiis omnibus, extra judicium geri solitis, occupatur. Sed cum jam laudatus Stryckius satis fusè materiam hanc tractarit, eò lectorem remitto. Illud saltem monendum duxi, cum in Camera Imperiali nihil nisi in Audientiâ, ut vocant, judicialiter fieri dicatur & ad extrajudicialia omnia referantur, quæ aliàs in Senatu, vulgo *Raths Stube* / in Cancellaria in *Lectoria & Deputatorio*, in der *Deputation - Stube* peraguntur. Blum. *Process. Cam. tit. 29. §. 21.* hic tamen nomine consuetudinis judicialis etiam illa omnia comprehendendi, modò usu introducta sint. Blum. *P. C. tit. 2. §. 22.*

C

XIII.

XIII.

Si idem casus, jure scripto cessante, aut etiam plane aliter, quam illud jubet, sæpius ut scientia & tacita Legislatoris voluntas præsumi possit, in judicio simili modo decius fuerit, pro jure non scripto allegari potest. *arg. L. 34. § 37. ff. de LL. Mev. p. 5. Decis. 283. n. 2. R. l. 1654. §. 136.* quod ultra locum tamen istum in quo pronunciatum est, non extendendum. *Natta. Cons. 218. num. 4.* Communis autem DD. opinio sola tantum valet, quantum rationis habet, nec infrequens est, plures erroneam fovere sententiam, hinc DD. consensus præter probabilitatem nihil inducit.

XIV.

Consuetudo idem cum jure scripto subjectum & objectum commune habet, sicuti & ejusdem effectus non minor, quam legum est, *L. 23. ff. de LL.* Et judices hodie in omnibus fere locis juramento se obstringunt, quod secundum locorum laudabiles consuetudines  
 judicare

judicare velint; Gail. *L. 1. Obs. 26. num. 14.* Si  
 secus egerint, litem suam faciunt. Menoch.  
*l. 2. præsumpt. 8. num. 17.* Obligat consuetudo  
 ad scientiam, obedientiam & poenam non solū  
 in contractibus *l. 6. de evict. l. 31. §. 18. de adilit.*  
*Edict.* sed etiam in delictis & aliis actionibus  
 humanis, *l. 7. de extraord. crim. lib. 16. §. pen de*  
*pæn.* Carpz. *p 4. const. 47. def. 6.* tollit etiam jus  
 scriptum & non scriptum præcedens, ac juri  
 naturali & gentium detrahit & addit, non ta-  
 men penitus tollit. *l. 32 ff. h. tit. arg. l. 6. ff. de just.*  
*et jur.* Illud adhuc notandum, quod con-  
 tra legem, quæ consuetudinem prohibet, nul-  
 la possit induci. *vid. Auth. Navigia. de furtis*  
*Vasq. p. 2. controvers. l. 1. cap. 3. Brunnem. ad*  
*L. 2. O. quæ sit long. consuetud.* cujus legis hic  
 sensus est, quod consuetudo, si suis requisitis  
 careat, & irrationabilis sit, legem non tol-  
 lat. *vid. Zœf. ad ff. de LL. num. 97.* Imò quæ  
 contra consuetudinem fiunt, nulla sunt. *vid.*  
 omnino Stryck. *supra alleg. disp. 23. cap. 6.*  
*num. 8. 9. 10.* ubi requisita, ad annullandum

actus contra consuetudinem judicialem necessaria, recenset.

XV.

Jus non scriptum æquè ac scriptum interpretationem recipit, ac ad similes casus ob identitatem rationis extendi debet *L. 1. C. que sit long. consuetud. & ibi Brunnem. num. 5.* cum enim hanc ob causam ad similia porrigatur lex, quod Legislatores propter communem rationem id velle præsumatur. *l. 4. §. f. ff. de suppell. leg.* quare non eodem modo tacitus legislatoris consensus præsumi debeat, sane non video. Quod tamen intelligendum de casibus, de quibus jus scriptum nihil disposuit, alias consuetudinem strictissimè interpretari oportet, ut, quantum fieri potest, jus scriptum minus corrigat. *Gail. l. 2. Obs. 33. num. 9.* etiam si eadem ratio subesset.

XVI.

Quemadmodum leges posteriores prioribus derogant. *l. f. ff. de consistit. Princip.* ita & consuetudini, Principis enim voluntas pro lege

lege servanda *l. 1. d. t.* & Baldus *Auth. na-  
vigia C. de furtis*, dicit quod Princeps per ge-  
neralem clausulam *non obstante* si illa legibus  
inferatur, omnes omnium locorum consue-  
tudines aboleat, quemadmodum hunc & cum  
eo facientem Bartolum allegat Gailius *L. 1.  
Obs. 18. num. 2.* non minus consuetudo po-  
sterior abrogat priorem, eosdem enim plane  
habet effectus, quales scriptum, ut supra *th. 14*  
diximus.

XVII.

Alterum non scripti juris summum ca-  
put æquitatem esse, supra est assertum. Utut  
enim illa quandoque etiam sub generali juris  
nomine contineatur *l. 1. in princ. & l. pen. D.  
de just. & jure*, sæpius tamen distinguuntur &  
sibi invicem opponuntur, ut in *L. 25. d. LL.  
L. 1. C. eod. l. ult. C. de edend.* Sed cum præter  
plures alios Marquardus Freherus in singu-  
lari commentario ad jam alleg. *L. 1. C. de LL.*  
quem Sulpitium inscribit, materiam hanc do-  
ctissimè, more suo, perquisiverit, ego me pau-  
cis expediam.

Estigitur æquitas *benigna legis quedam interpretatio, vel moderatio in aliquo casu, quem lex sub rigoris universalitate comprehendit.* In quo in tantum lex deficere dicitur, quia ipsum à regula non excepit, quem tamen, si sic futurum cogitasset, ab universalitate regulæ, cum aliquo moderamine vel simpliciter, excepisset, unde æquitas hæc etiam *par in jure dicitur l. 8. §. 6. D. Mand. l. 2. §. 3. D. de her. l. act. vend.*

## XIX.

Æquitatem hanc omnino judicem in judicando respicere debere imperat. *L. 10. C. de jud. l. 6. §. siquid C. de appell. Novell. 17. cap. 19. X. de sentent. & re judicat. l. 90. de reg. jur. etiam in causis criminalibus l. 5. §. ult. D. de pœn. præsertim quando causæ, quæ in judicium deducuntur, id requirunt, sic in actionibus bonæ fidei, quæ omnes in §. 30. l. de Act. enumerantur, judex liberam habet potestatem, quid alterum alteri ex bono & æquo præstare oporteat judicandi *L. 7. de N. G. L. 24. depos. l. 31. §. 20. de**

§. 20. de edilit. Edict. vid. hanc in rem Menoch.  
tract. de arbitrar. jud. quest. per tot.

XX.

Quamquam enim Imperator sibi soli *supra*  
*alleg. L. 1. C. de LL.* æquitas interpretatio-  
nem reservasse, atque illam iudicibus ademisse  
videatur, hoc tamen de tali demum casu in-  
telligendum, ubi æquitas adhuc est obscura,  
incerta & controversa, cujus interpretatio  
demum à Consultis, tanquam ab oraculo, sit  
petenda. Si autem æquitas clara, perspicua  
& evidens erit, ut dicit *L. pen. D. de in integ.*  
*rest.* ex qua fluit *l. 183. de R. l.* ridiculum foret,  
in explicanda ea, ingeniosum esse velle. *l. ille*  
*aut ille D. de legat. 1. l. 1. §. sed sciente D. de Ex-*  
*ercit. act. l. in iis D. de condit. & demonst.*

XXI.

Tunc autem evidens & clara dicenda est  
æquitas, quando argumento à pari, à simili, à  
contrario sensu, aut alia ratione, potest deduci  
*arg. l.*

*arg. l. 12, D. de LL. L. 65. §. si pupillo D. ad Trebell. ibi: ad similia procedere.* Si hoc mood æquitatem eruere non possit, judex Legislatorem adeat, & quid statuendum sit roget *l. 3. in pr. D. de offic. præfect. vigil.* Atque hæc hac vice sufficiant, donec fortè fufius materiam hanc elaborare licebit.





VIRO NOBILISSIMO  
DOMINO  
SAMUELI LUCIO,  
COGNATO SUO HONORATISSIMO,  
J. N. HERTIUS, J. U. D. ET P. P.

**E**ST omnino præclara vox Augg. Leonis & Anthemii in  
l. 14. C. de Advocatis diversorum judiciorum. *Advoca-  
tos, qui dirimant ambigua fata causarum, suæque defensionis viri-  
bus in rebus sæpe publicis ac privatis lapsa dirimant, non minus  
providere humano generi, quàm si præliis atque vulneribus Pa-  
triam parentesque salva rent. Quod tecum sapienter reputans,  
Præstantissimè Luci, postquam cum in hac nostrâ Ludoviciana  
tum in aliis Academiis juri operam sedulò dedisti; deinde  
Secretarii munus per aliquot annos dextrè obivisti, non te-  
merè Te comparas, ut in Illustri Romano Germanici Imperii  
Civitate impostero agas Advocatum, eamque ob rem  
nunc Licentiæ, quem vocant, Gradum apud nos honestè am-  
bis. Quo nomine non possum non ex animo gratulari Ti-  
bi, & Deum rogare, ut propositum tuum ex alto secundet,  
& consilia tua in publicæ rei salutem, clientum solatia, & pro-  
prias utilitates tuas felicissimè dirigat. Scribebam Gissæ ipsis  
Calendis Junii M DCC.*

**A**ls ist die Ehren-Bahn; was lang war auffgeschoben /  
Und nur noch mehr bewähret durch viel versuchte Proben /  
Doch Endlich seiner Zeit zu stellen an das Licht /  
Und andern dan das Pfund noch legen zu Gesicht.

Was ist's / wann viele schon als frische Juncken springen  
Aus der noch warmen Eß' / und bey so schweren Dingen  
So leicht auß Troja-Pferd außhüpfen nach dem Grad /  
Als ob Licentiat nur sey der Ehren-Pfad?  
Gang anderst hat Er längst sein Ziel sich abgesteckt  
Herr Vetter / und sein Thun auff bessern Grund gezwicket /  
Durch vielerley Versuch das Recht erst zu erfahren /  
Als Rechts-Gelehrte zu seyn / noch vor den Weisheits-

Jahrn;  
Drum geht Er besser nun ans Licht in Themis-Tempel /  
Wacht als ein Lucius / nach römlichem Exempel  
So viel-gelehrter Leut in seiner Vorfahrn Schaar /  
Den Lichtes-Nahmen noch der Nachwelt weiter klar.  
Ich wünsche Heyl und Glück zu solcher Ehren-Stuffe  
Vom Vatter alles Lichts / zu dem ich billich ruffe:  
Er leg das rechte Licht und Recht an seine Seel /  
Daß Er von Rechte und Licht nie weiche oder fehl!


Solches hat seinem Hoch-Geehrten Herrn  
Vettern / als lang-gewesenem Jurium Can-  
didato glückwünschend anfügen wollen

Johan. Bartholomæus Kuidiger /  
Log. & Metaph. Professor, Prediger /  
und Definitor in Gießen.


E N D E.

## ERRATA.


**P**AG. 4. lin. 10. pro *sed eum*, lege *sed cum* p. 5. l. 12. pro *eam*, lege *eum*  
p. 7. l. 11. pro *singuli*, lege *singula*. p. 10. l. 2. leg. *Matth. 27. p. 19.* l pro  
l. 2. O. leg. C. p. 20. lin. 5. leg. *idenditarem*. p. 24. l. 3. pro *non possit*, *judex.*  
*lege non possit judex.*











00 A 6382

ULB Halle

3

002 916 541



SR

LD 17



